



Shoqata e të Verbërve të Kosovës
Kosova Association of the Blind
Udruzenje Slepih Kosova

STATUTI

I

SHOQATËS SË TË VERBËRVE TË KOSOVËS

Ky statut do të qeverisë shoqatën jofitimprurëse “*Shoqata e të Verbërve të Kosovës*”, të Shoqatës Joqeveritare në Republikën e Kosovës themeluar në pajtim me Rregulloren e Unmikut Nr. 1999/22 të Administratës së Përkohshme të Misionit të Kombeve të Bashkuara në Kosovë, dhe do të Qeverisë me Ligjin Nr.06/L-043 për Lirinë e Asociimit në Organizatat Joqeveritare në Republikën e Kosovës.

Neni 1 Emri, forma dhe adresa

1. Organizata do të quhet *Shoqata e të Verbërve të Kosovës*
2. Ajo mund të njihet edhe si *SHVK*
3. Organizata është shoqatë jofitimprurëse, sipas definimit të dhënë në nenin 16 dhe 20 të Ligjit Nr.06/L-043 për Lirinë e Asociimit në Organizatat Joqeveritare në Republikën e Kosovës.
4. Organizata nuk do të bëjë shpërndarjen e çfarëdo të ardhure neto ose fitimi si të tillë për asnjë person. Pasuria, të ardhurat dhe fitimet e organizatës do të përdoren për të mbështetur qëllimet jofitimprurëse të organizatës dhe nuk do të përdoren për të krijuar përfitime të veçanta individuale, qoftë në mënyrë të drejtëpërdrejtë apo tërthorazi për asnjërin nga themeluesit, drejtorin, nëpunësit, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona bëjnë për këtë organizatë.
5. Çdo transaksion ndërmjet OJQ-së dhe një organizate tjetër të ndërlidhur, apo ndërmjet OJQ-së dhe anëtarëve, zyrtarëve, anëtarëve të bordit ose punonjësve të saj ndalohej, përveç, nëse organi drejtues vendos, pas hetimeve të arsyeshme, se transaksioni është në interes, i drejtë dhe i arsyeshëm për OJQ-në, dhe se OJQ-ja nuk kishte mundur të sigurojë marrëveshje më të favorshme me përpjekje të arsyeshme dhe brenda rrethanave ekzistuese.
6. Organizata mund të angazhohet në aktivitete ekonomike me qëllim të mbështetjes së aktiviteteve të saja jofitimprurëse, në pajtim me paragrafin 1.4 të këtij Statuti dhe nenin 35 të Ligjit për Lirim të Asociimit në OJQ Nr.06/L-043, me kusht që të ardhurat e realizuara nëpërmjet të aktiviteteve ekonomike të shfrytëzohen ekskluzivisht për të arritur qëllimet e theksuara në këtë statut.
7. Organizata e ka zyrën e saj qendrore në: "Kodra e Diellit", Rr."Rifat Burgjeviç", Llamella V (ZBL6), 10000, Prishtinë, Kosovë.

Neni 2 Themeluesit

1. Themelues të organizatës janë:

Hasan Mehmetaj - i vdekur
Mehdi Mehmeti - i vdekur
Shqip Kastrati adresa: Rr. Likova, pa numër, 70000, Gjakovë, Kosovë
2. Kuvendi i Anëtarëve zgjedhë kryetarin i cili njëkohësisht është përfaqësuesin i autorizuar të OJQ-së, i/e cili/a përfaqëson organizatën dhe pranon të gjitha shkresat zyrtare në emër të organizatës. Ai ose ajo është përgjegjës për informimin e autoriteteve kompetente për çfarëdo ndryshimi në të dhënat e deklaruara në rastin e regjistrimit të organizatës.

Neni 3 Qëllimi

1. Organizata është themeluar me qëllim të realizimit të drejtave natyrore të personave të verbër dhe më të pamur të dobët; sigurimin e kushteve ekonomiko-sociale në fazat e planifikimit shoqëror më qëllim të integritetit të këtij komuniteti në një shoqëri gjithëpërfshirëse demokratike.

2. Fushëveprimtaria e Organizatës: për t'i përmbushur qëllimet e saj, Shoqata do të ndërmarrë por nuk do të kufizohet vetëm në to, aktivitete si: zbulimin, identifikimin dhe regjistrimin e personave të verbër dhe më të parë të dobët, dërgimi i personave në vizita mjekësore me qëllim të percaktimit të shkallës së humbjes së të pamurit; përfshirjen e fëmijëve me aftësi të kufizuar dhe më të parë të dobët në shkollimin e rregullt dhe special; inicon dhe propozon te organet kompetente: sjellje, ndërrimin dhe plotësimin e dispozitave ligjore nga lëmia sociale, shëndetësore, arsimore, kulturore dhe sportive; organizmin e kushteve të ndryshme për rehabilitimin dhe arsimin e anëtarëve për punë dhe jetë të pavarur.

Neni 4 **Anëtarësimi**

1. Shoqata e të Verbërve të Kosovës ka degët e saj të strukturuar në Shoqata Komunale dhe Nderkomunale.
 - 1.1 Shoqatat Nderkomunale e të verbërve janë: Prishtinë, Mitrovicë, Pejë, Prizren, Ferizaj e Gjilan;
 - 1.2 Shoqatat Komunale janë: Gjakova, Malishevë, Istog, Rahovec, Suharekë, Mitrovicë e Veriut dhe Graçanicë.
 2. Pranohen si anëtarë të Shoqatës e të Verbërve të Kosovës nëpërmjet shoqatave komunale dhe nderkomunale të gjithë qytetarët e Kosovës, ata me banim të përhershëm në Kosovë, pa dallim moshe, gjinie, race, kombi, fe dhe pranohen si anëtarë të gjithë të verbërit si dhe ata me të parë të dobësuar. Paguajnë me rregull anëtarësinë.
 - 2.1 Për personat e verbër si kufi i pranimit merret definicioni i OBSH-së sipas percaktimit të Organizatës Botërore të Shëndetësisë, (anëtar i rregullt)
 - 2.2 Për personat më dëmtim në të parë si kufi i merret poashtu definicioni i OBSH-së.
 - 2.3 Anëtar mbështetës (simpatizues),
 - 2.4 Anëtar nderi
- Për t'u anëtarësuar në organizatë, secili i interesuar duhet të pranojë Statutin dhe Misionin e organizatës dhe të angazhohet për përmbushjen e qëllimeve të organizatës.
3. Anëtarësimi i ndonjë anëtari gjithashtu mund të përfundojë ose suspendohet me vendimin e Kuvendit të Anëtarëve në rast të kur largohet vullnetarisht, kur përjashtohet nga Shoqata, Për arsye të veçanta të të përcaktuara me rregullore të posaçme të miratuar nga Këshilli Drejtues; *mospagesës së anëtarësisë*, në rast vdekjeje. Në rast të suspendimit, kohëzgjatja e suspendimit do të përcaktohet konform rregullores së mbredshme së SHVK-së.
 4. Përfundimi ose suspendimi i anëtarësimit nga Kuvendi i Anëtarëve do të vendoset me shumicë të anëtarëve prezent.

Neni 5 **Kuvendi i Anëtarëve**

1. Kuvendi i Anëtarëve është organi më i lartë qeverisës i organizatës. Ai përbëhet prej përfaqësuesëve të deleguar prej shoqatave nderkomunale dhe komunale.
2. Kuvendi i Anëtarëve ka përgjegjësinë më të lartë për politikën dhe çështjet financiare të organizatës. Në këtë kuadër, Kuvendi i Anëtarëve ka kompetencë të zgjedhë dhe të shkarkojë zyrtarët në pozita udhëheqëse të OJQ-së, të aprovojë raportet periodike financiare dhe të punës, të interpretojë dhe ndryshojë Statutin, si dhe të vendosë për bashkimin, ndarjen apo shuarjen e OJQ-së. Këto përgjegjësi nuk mund të delegohen në organet tjera më të ulta.
 - Përpos përgjegjësi të rezervuar që ka, Kuvendi i Shoqatës gjithashtu ka edhe këto përgjegjësi:
 - Përcakton drejtimet kryesore të veprimtarisë së SHVK, Analizon dhe vlerëson punën e bërë gjatë periudhës nga Kuvendi paraardhës të organeve drejtuese të SHVK.

- Miraton ndryshimet e pjesshme ose të plota të Statutit të SHVK, Zgjedh dhe pranon dorëheqjen e kryetarit dhe të Këshillit Drejtues,
- Zgjedh dhe pranon dorëheqjet e Komisionit të Statutit dhe të Këshillit Mbikqyrës,
- Miraton drejtimet kryesore ekonomike midis kuvendeve,
- Merrë vendime në interes për SHVK-në,
- Kuvendi përcakton stemën dhe simbolet e tjera të SHVK, Bën interpretimin e Statutit kur ka boshllëk, Merrë vendime në interes për SHVK-në,
- Kuvendi miraton shkarkimin e organeve të Degës dhe shkeputjen e kontrates për punetoret e administrates se Shoqates, sipas propozimit paraprak të Kryetarit,
- Vendors vazhdimësinë ose shpërndarjen e SHVK, Vendors për ankesat që ushtrojnë anëtarët,
- Kuvendi vendors për shpenzime të jashtëzakonshme kur ato prekin më shumë se 1/3 e buxhetit në të njëjtën kohë dhe për të njëjtin problem,
- Kuvendi zgjedh organet ndihmëse të Këshillit Drejtues (komisione apo seksione), miraton rregulloren e funksionimit të degëve
- Miraton buxhetin dhe bilancin vjetor.

4. Thirrja e jashtëzakonshme e Kuvendit bëhet me kërkesën e kryetarit në rastet kur:

4.1. Jep dorëheqjen kryetari,

4.2. Jep dorëheqjen shumica e cilësuar e Këshillit Drejtues,

4.3. Kur ndodhin ngjarje të jashtëzakonshme në vend që prekin interesat thelbësore të SHVK,

5. Thirrja e jashtëzakonshme e Kuvendit sipas këtyre pikave të këtij neni bëhet jo më vonë se 3 muaj nga lindja e shkakut

4. Kuvendi i Anëtarëve mund të delegojë ndonjë prej përgjegjësive të tij në organin tjetër udhëheqës të ndërmjetm Këshilli Drejtues ose edhe të punësuar të organizatës, me vendimin e shumicës së anëtarëve të tij, me përjashtim të përgjegjësive të cilat nuk delegohen sipas nenit 31 të Ligjit Nr.06/L-043 për Lirinë e Asociimit në Organizatat Joqeveritare në Republikën e Kosovës dhe paragrafit 2 të Neni 5 të këtij Statuti.

Neni 6

Mbledhjet e Kuvendit të Anëtarëve

1. Kuvendi i Anëtarëve do të takohet së paku një herë në vit në Mbledhjen e Përgjithshme Vjetore (MPV) ku shqyrtohet dhe miratohet raporti për mjetet, detyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e organizatës për vitin e ardhshëm.

2. Kuvendi i Anëtarëve mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga 1/3 e anëtarëve ose nga organet tjera të ndërmjetme. Një kërkesë e tillë duhet t'i drejtohet Kryesuesit të Kuvendit të Anëtarëve i cili do të lajmërojë për takimin të gjithë anëtarët, në pajtim me procedurat e përcaktuara në paragrafin vijues.

3. Lajmërimi me shkrim për MPV dhe/ose MPJ, duke përfshirë datën dhe vendin e mbajtjes së mbledhjes, së bashku me rendin e ditës për mbledhjen do t'u shpërndahet të gjithë anëtarëve së paku (*shtatë*) ditë para ditës së mbajtjes së mbledhjes.

4. Për mbajtjen e mbledhjes është e nevojshme pjesëmarrja e më shumë se gjysmës së anëtarëve. Nëse ky kuorum nuk arrihet në tentimin e parë, takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.

5. Secili anëtar i organizatës ka një votë në Kuvendin e Anëtarëve.

6. Vendimet në Kuvendin e Anëtarëve do të merren me shumicën e anëtarëve prezent.

7. Asnjë anëtar i të Kuvendit të Anëtarëve nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Kuvendit të Anëtarëve konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 7

Organi udhëheqës i ndërmjetëm (Këshilli Drejtues)

1. Bazuar në përgjegjësitë e dhëna me këtë statut, organi udhëheqës i ndërmjetëm *Këshilli Drejtues* (KD) duhet të veprojë çdo herë në pajtim me qëllimin e organizatës.

2. Këshilli Drejtues do të ketë këto përgjegjësi:

- Drejton punën për realizimin e objektivave dhe detyrave që përcakton Kuvendi,
- Përcakton drejtimet kryesore të punës dhe të aktivitetit midis dy mbledhjeve të tij,
- Shqyrton buxhetin dhe bilancin vjetor dhe ia propozon Kuvendit për miratim,
- Miraton strukturën dhe rregulloren e funksionimit të Këshillit Drejtues dhe mbi bazën e propozimit të kryetarit përcakton përbërjen e saj,
- Përcakton masën e kuotizacionit për çdo anëtar, si dhe ndryshimet e saj,
- Zgjedh komisionin organizativ për organizimin e zgjedhjeve në Kuvend që bëhet jo më vonë se dy muaj para mbledhjes së Kuvendit,

3. Këshilli Drejtues zgjedhet nga Kuvendi i Shoqatës. Ata do të zgjedhen individualisht me shumicë të votave nga anëtarët e pranishëm. Mënyra e zgjedhjes dhe rregullat e punës së anëtarëve të KD mund të rregullohen me një Rregullore të veçantë për punën e KD, e cila aprovohet nga Kuvendi i Anëtarëve me shumicë votash.

4. Këshilli Drejtues do të ketë të paktën 7 (shtatë) anëtarë, ku njëri prej tyre është kryetari i Kuvendit i cili udhëheq edhe KD.

5. Anëtarët e KD mund të zgjedhen për mandat 5 (pesë) vjeçar me mundësi të rizgjedhjes

6. Anëtarët e KD mund të shkarkohen para përfundimit të mandatit me shumicë votash të Kuvendit të Shoqatës.

7. Mandati i anëtarit të KD pushon:

Në rast të vdekjes,
dorëheqjes ose
shkarkimit nga Kuvendi i Anëtarëve.

8. Në rast të përfundimit të parakohshëm të mandatit të anëtarit të KD, Kuvendi i Shoqatës duhet të zgjedh pasardhësin për të shërbyer për kohën e mbetur.

9. Vendimet në KD merren me shumicë votash të anëtarëve prezentë.

10. KD mund të vendosë t'i drejtohet për çfarëdo çështje Kuvendit të Anëtarëve për marrje të vendimit.

11. Kurrëfarë pagese ose kompensimi nuk duhet t'u bëhet anëtarëve të KD pa aprovimin e Kuvendit të Anëtarëve dhe vetëm kur pagesa ose kompensimi është i arsyeshëm dhe bëhet për punën e kryer për organizatë.

12. Asnjë anëtar i të KD nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i KD konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 8

Zyrtarët dhe Nëpunësit

1. Në rast nevojë organizata punëson persona që të marrin përsipër kryerjen e detyrave ditore të organizatës.
2. Zyrtarët duhet të punësohen në përputhje me Ligjin e Punës në Republikën e Kosovës, të gjitha të ardhurat dhe të mirat e tjera që duhet t'i paguhet Zyrtarit, si dhe obligimet dhe përkrahimin e punës dhe përgjegjësi të Zyrtarit. Të gjitha pagesat duhet të jenë të arsyeshme dhe duhet të paguhet vetëm për punën e kryer për organizatë.

Neni 9 **Shpërbërja e organizatës**

1. Organizata mund të shpërbëhet me vendimin e shumicës së anëtarëve të Kuvendit të Anëtarëve.
2. Kur të vendos për shpërbërjen e organizatës, Kuvendi i Anëtarëve do të tregojë emrin e Organizatës joqeveritare në Republikën e Kosovës që do të marrë pasurinë e mbetur pasi të jenë paguar borxhet e organizatës. Organizata joqeveritare e zgjedhur duhet të ketë qëllim të njëjtë ose të ngjajshme sikurse organizata.

Neni 10 **Ndryshimet e statutit**

1. Statuti i tanishëm mund të ndryshohet me vendimin e dy të tretave e anëtarëve prezentë të Kuvendit të Anëtarëve.

Neni 11 **Periudhat e Raportimit dhe Viti Financiar**

1. Këshilli Drejtues dhe Zyrtarët e emëruar do të paraqesin raporte vjetore para Kuvendit të Anëtarëve, MPV ose kurdoherë që kërkohet nga një MPJ.
2. Viti financiar i organizatës do të përputhet me vitin kalendarik.

Ky statut është aprovuar në **Prishtinë**

Më **26.06.2020**

Nga anëtarët e Kuvendit



Daut Tishuki
Nënshkruar nga Përfaqësuesi i Autorizuar

